

Izveštaj o radu Uprave policije MUP-a Kantona Sarajevo za mjesec mart 2021. godine

KRIMINALITET

STATISTIČKI POKAZATELJI

U mjesecu martu 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 402 događaja sa obilježjem krivičnog djela (što je 56 ili 16,2% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 185 ili 46% je evidentirano po poznatom izvršiocu, a 217 ili 54% po nepoznatom izvršiocu.

Od ukupno 217 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 41 ili 18,9% (što je za 12,4% manje u odnosu na uporedni mjesec) od čega je deset događaja evidentirano u mjesecu martu, a 31 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 360 obavijesti (132 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU MARTU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
MART 2021. GODINE	402	185	217	41	31	222	9	128	65
MART 2020. GODINE	346	154	192	60	28	200	4	99	69
<i>uporedba</i>	56 16,2%	31 20,1%	25 13%	-19 -31,7%	3 10,7%	22 11%	5 125%	29 29,3%	-4 -5,8%

U toku mjeseca marta ove godine prijavljena su 222 lica (22 više), 128 povratnika (29 više) (ili 57,7% od ukupnog broja prijavljenih lica), devet maloljetnika (pet više), a 65 lica je lišeno slobode (četiri manje).

Za događaje sa obilježjem krivičnog djela, koji su evidentirani u mjesecu martu 2021. godine, prema izjavama oštećenih lica, nastupila je materijalna šteta u ukupnom iznosu od 741.747,00 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MARTU 2021/20. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	MART 2021. GODINE	MART 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
PROTIV ŽIVOTA I TIJELA	21	11	10	90,9%	19	2	0	0%
PROTIV SLOBODE I PRAVA ČOVJEKA I GRAĐ.	23	13	10	76,9%	22	1	1	100%
PROTIV SPOLNE SLOBODE I MORALA	3	1	2	200%	3	0	0	---
PROTIV BRAKA, PORODICE I MLADEŽI	26	18	8	44,4%	26	0	0	---
PROTIV ZDRAVLJA LJUDI	33	38	-5	-13,2%	33	0	0	---
PROTIV IMOVINE	252	204	48	23,5%	45	207	37	17,9%
PROTIV OPĆE SIGURNOSTI LJUDI I IMOVINE	8	8	0	isto	4	4	0	0%
PROTIV SIGURNOSTI JAVNOG PROMETA	9	6	3	50%	9	0	0	---
PROTIV PRAVOSUĐA	1	2	-1	-50%	1	0	2	---
JAVNOG REDA I PRAVNOG PROMETA	20	39	-19	-48,7%	17	3	1	33,3%
PROTIV PODMIĆIVANJA I KD PROTIV SL. I DR.	4	3	1	33,3%	4	0	0	---
PROTIV ČOVJEČNOSTI I VRIJEDNOSTI ZAŠTIĆENIH MEĐ. PRAVOM (KZ BiH)	0	1	-1	---	0	0	0	---
ZONDINOIM-a (Sl.novine Kan. Sarajevo br.01/18)	2	2	0	isto	2	0	0	---
UKUPNO	402	346	56	16,2%	185	217	41	18,9%

U mjesecu martu 2021. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 56 ili 16,2%. Najznačajnija povećanja su zabilježena u oblastima protiv imovine (za 48 događaja), života i tijela (za deset), slobode i prava čovjeka i građanina (za deset), braka porodice i mladeži (za osam) itd., dok su smanjenja evidentirana u oblastima protiv javnog reda i pravnog prometa (za 19 događaja), zdravlja ljudi (za pet) i pravosuđa (za jedan događaj).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom marta 2021. godine evidentiran je 21. događaj sa obilježjem krivičnog djela iz oblasti protiv života i tijela (deset više u odnosu na mart 2020. godine) i to 19 po poznatom i dva po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - jedan (isti broj ovih događaja),
- ubistvo u pokušaju (član 166. KZ FBiH u vezi člana 28.) - jedan (isto),
- ubistvo u saučiniteljstvu (član 166. KZ FBiH u vezi člana 31.) - jedan (nije bilo),
- teška tjelesna ozljeda (član 172. KZ FBiH) – sedam (šest više),
- lahka tjelesna ozljeda (član 173. KZ FBiH) – deset događaja (dva više) i
- učestvovanje u tuči – jedan događaj (nije bilo)

Nadležnom tužilaštvu podneseni su službeni izvještaji protiv 22 lica, od koji je devet povratnika ili 40,9%, a pet je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 23 događaja sa obilježjem krivičnog djela (deset više) - ugrožavanje sigurnosti, za koja su prijavljena 23 lica, od kojih je 12 povratnika (ili 52,2%), a pet je lišeno slobode. Događaji sa obilježjem krivičnog djela ugrožavanja sigurnosti evidentirani su u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu martu evidentirano je 26 događaja sa obilježjem krivičnog djela (osam više) i to: nasilje u porodici - 23, trgovina ljudima, zapuštanje ili zlostavljanje djeteta ili maloljetnika i izbjegavanje izdržavanja – po jedan događaj. Prijavljeno je 28 lica, od kojih je 14 povratnika (ili 50%), a 14 je lišeno slobode.

PROTIV ZDRAVLJA LJUDI

Evidentirana su 33 događaja sa obilježjem krivičnog djela iz oblasti protiv zdravlja ljudi (pet manje) i to:

- Neovlašćena proizvodnja i stavljanje u promet opojnih droga (čl. 238. KZ FBiH) – dva,
- Posjedovanje i omogućavanje uživanja opojnih droga (čl. 239. KZ FBiH) – 28,
- Nepostupanje po zdravstvenim propisima za vrijeme epidemije - tri događaja.

Nadležnom tužilaštvu podneseni su službeni izvještaji protiv 34 lica, među kojima je 19 povratnika (ili 55,9%), a 12 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv tri lica, zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Speed“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 28 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU MARTU 2021/20. GODINE

vrsta opojne droge	MART 2021. godine	MART 2020. godine
Marihuana (paketići)	11	43
Marihuana (u gramima)	502,848	51,9
Amfetamin (u gramima)	3,923	35,3
Amfetamin (paketići)	5	16
Heroin (u gramima)	37,272	---
Speed (u gramima)	7.438	8,2
Pribor sa ostacima droge	---	8

PROTIV IMOVINE

U ovom mjesecu, evidentirana su 252 događaja sa obilježjem krivičnog djela protiv imovine (45 po poznatom i 207 po nepoznatom izvršiocu) što je za 48 ili 23,5% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 133 (37 više),
- krađa (član 286. KZ FBiH) – 60 (pet više),
- razbojništvo (član 289. KZ FBiH) – 26 (tri više),
- oštećenje tuđe stvari (član 293. KZ FBiH) – 16 (pet više),
- prijevvara (član 294. KZ FBiH) - dva (dva manje), itd.

Nadležnom tužilaštvu podneseni su službeni izvještaji protiv 78 lica, od kojih su 62 povratnika (ili 79,5%), a 16 je lišeno slobode.

Od ukupno 207 događaja evidentiranih po nepoznatom izvršiocu iz oblasti protiv imovine naknadno je rasvijetljeno 37 ili 17,9% što je za 12,7% manje u odnosu na mart 2020. godine.

Prema objektima izvršenja teških krađa, 60 je izvršeno u stambene objekte (17 više u odnosu na uporedni mjesec), 32 u motorna vozila (otuđenja motornih vozila i “provale” u ista) (devet više), 28 u poslovne prostorije (osam više), sedam na ulici (dvije manje), itd.

U mjesecu martu evidentirano je sedam otuđenja motornih vozila od čega je pet ili 71,4% pronađeno i vraćeno vlasnicima (Uprava policije MUP-a KS-a pronašla je dva, MUP RS-a – jedno i drugi MUP-ovi – dva vozila).

Broj otuđenih motornih vozila u odnosu na uporedni mjesec povećan je za tri ili 75%

Evidentirano je 60 događaja sa obilježjem krivičnog djela krađe (pet više) i to u poslovnim prostorijama – 23 puta, na ulici - 19, u stambenim objektima - 11 u vozilima i na stajalištima GRAS-a - tri, itd. odakle su otuđivani novčanici, mobiteli, prehrambeni proizvodi, bicikli, kozmetika, auto-dijelovi, itd.

Evidentirano je sedam događaja sa obilježjem krivičnog djela teških krađa na naročito opasan ili naročito drzak način (isti broj), u kojima su izvršiocu, upotrebom fizičke snage (otimanjem i trganjem) - šest puta i verbalnom prijetnjom u jednom slučaju, otimali mobitele, novac, torbe i nakit, a evidentirani su: pet puta na ulici i dva na tramvajskim stajalištima. Nadležnom tužilaštvu podneseni su službeni izvještaji protiv pet lica, povratnika u činjenju krivičnih djela.

U mjesecu martu ove godine evidentirano je 26 događaja (četiri po poznatom, a 22 po nepoznatom izvršiocu) sa obilježjem krivičnog djela razbojništva (tri više) i to na području slijedećih policijskih uprava: III PU – sedam (pet manje), V PU - sedam (dva više), IV PU - šest (četiri više), II PU - četiri (jedan više), I PU – jedan događaj (isto) i VI PU – jedan događaj (nije bilo u uporednom mjesecu). Nadležnom tužilaštvu podneseni su službeni izvještaji protiv sedam lica, od kojih je šest povratnika (ili 85,7%).

Od ukupno 22 događaja razbojništva evidentiranih po nepoznatom izvršiocu, naknadno je rasvijetljeno šest ili 27,3% (što je za 13,6% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 15 puta, prijetnjom upotrebe noža ili drugog oštrog predmeta – pet i upotrebom fizičke snage – šest, a počinjena su u prodavnicama – 14 puta, na ulici – četiri, u sportskim kladionicama – tri, u stambenim objektima – dva, na benzinskim pumpama - dva i u apoteci – jedno. Otuđivani su mobiteli, novac, nakit, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (isto) i to: - izazivanje opće opasnosti – šest, izazivanje opće opasnosti u pokušaju i nesavjesno čuvanje pasa i drugih opasnih životinja – po jedan događaj, a nadležnom tužilaštvu podneseni službeni izvještaji protiv sedam lica.

Događaji sa obilježjem krivičnog djela izazivanje opće opasnosti evidentirani su na otvorenom prostoru - četiri puta, u stambenom i poslovnom objektu – po jednom, pri čemu je u dva slučaja otvorenim plamenom izazvan požar, dva puta je aktivirana nepoznata eksplozivna naprava i u dva slučaja je pucano iz vatrenog oružja. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 20 događaja sa obilježjem krivičnog djela (19 manje) i to: krivotvorenje isprave, nasilničko ponašanje i napad na službenu osobu u vršenju poslova sigurnosti – po pet, skidanje ili povreda službenog pečata ili znaka – tri, nedozvoljeno držanje oružja ili eksplozivnih materija i ovjeravanje neistinitog sadržaja – po jedan događaj.

Nadležnom tužilaštvu podneseni su službeni izvještaji protiv 19 lica od kojih je deset povratnika (ili 52,6%), a šest je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu martu 2021. godine evidentirano je 12 događaja sa obilježjem krivičnog djela, u kojima je učestvovalo devet maloljetnih lica. U odnosu na isti mjesec 2020. godine povećan je broj maloljetnih lica za pet ili 125%, a broj događaja sa obilježjem krivičnog djela za osam ili 200%. Prijavljeni maloljetnici su u dobi od 14 do 16 godina – četiri, od 16 do 18 godina – pet. Od ukupnog broja maloljetnika tri su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA
MART 2021/2020. GODINU

MJESEC	od 14 do 16 god.	od 16 do 18 god.	ukupno
mart 2021. godina	4	5	9
mart 2020. godina	2	2	4

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA
MALOLJETNA LICA U MJESECU MARTU 2021/2020. GODINE

događaji sa obilježjem krivičnog djela (KZ FBiH)	mart 2021.	mart 2020.
Ubistvo u sačiniteljstvu	1	---
Teška tjelesna ozljeda	1	---
Lahka tjelesna ozljeda	1	---
Ugrožavanje sigurnosti	1	1
Nasilje u porodici	1	---
Nepostupanje po zdravstvenim propisima za vrijeme epidemije	1	---
Posjedovanje i omogućavanje uživanja opojnih droga	1	---
Razbojništvo	---	2
Lažno prijavljivanje	---	1
Oštećenje tuđe stvari	2	---
Neukazivanje pomoći osobi ozlijeđenoj u prometnoj nezgodi	1	---
Nasilničko ponašanje	1	---
Napad na službenu osobu u vršenju poslova sigurnosti	1	---
UKUPNO	12	4

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca marta 2021. godine na području Kantona Sarajevo evidentiran je jedan događaj aktiviranja minsko-eksplozivnih sredstava (isto u martu 2020. godine) usljed čega je nastupila materijalna šteta. Preduzimaju se aktivnosti na rasvjetljavanju ovog događaja i pronalaženju učinilaca. U toku marta 2021. godine nije bilo evidentiranih događaja anonimnih dojava o postavljanju eksplozivnih naprava (tri u martu 2020. godine).

POŽARI

Tokom mjeseca marta 2021. godine, na području Kantona Sarajevo registrovana su 24 požara (10 manje u odnosu na isti mjesec prethodne godine), koji su za posljedicu materijalnu štetu. Prema statističkim pokazateljima, šest požara je izazvano namjerno, tri zbog tehničkih nedostataka, jedan nehatom, dok uzroci 14 požara spadaju u kategoriju ostalih.

Požari su registrovani u :

- Stambenim objektima - četiri puta,
- Saobraćajnim sredstvima - dva,
- Poslovnim prostorima - dva,
- Proizvodnom objektu - jednom,
- Ostalim objektima – 15 puta.

Zbog izazivanja požara, nadležnom tužilaštvu podnesena su četiri službena izvještaja: dva iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

SAMOUBISTVA

U mjesecu martu 2021. godine na području Kantona Sarajevo registrovano je pet samoubistava (četiri više), koja su izvršena: vješanjem - tri puta, upotrebom vatrenog oružja i skakanjem sa visine – po jednom.

Izvršiocu su četiri osobe muškog i jedna osoba ženskog spola.

Muškarci su starosne dobi: preko 70 godina - dva lica, od 30 do 40 i od 50 do 60 godina - po jedno lice, dok je žena starosti preko 70 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su tri pištolja, 117 noževa, 22 eksplozivne naprave i 291 komad municije raznog kalibra.

Tokom mjeseca marta ove godine fizičkim licima izdata su 124 odobrenja za nabavku vatrenog oružja i 95 oružnih listova.

JAVNI RED I MIR

U toku mjeseca marta 2021. godine u oblasti protiv javnog reda i mira evidentirano je 2.349 prekršaja (1.712 ili 268,7% više u odnosu na isti mjesec 2020. godine), a za izvršenje navedenih prekršaja prijavljena su 2.363 lica (1.722 ili 268,6% više), od čega je 81 povratnik u činjenju prekršaja.

Zbog učinjenih prekršaja u oblasti protiv javnog reda i mira izdato je 2.297 naloga i podnesena su 52 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 2.322 prekršaja (ili 98,8%), a na prekršaje koji su utvrđeni Odlukom općinskih vijeća o javnom redu i miru 27 (ili 1,1%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (975), preko 36 godina (771), 19 i 25 godina (616), i do 18 godina – jedan učinilac.

Prilikom narušavanja javnog reda i mira u mjesecu martu 2021. godine, nije bilo teže povrijeđenih lica (isto kao u martu 2020. godine), dok je 10 lica (devet više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC MART 2021/2020.GODINA

STRUKTURA PREKRŠAJA	MART 2021.	MART 2020.	+ - %
UKUPNO prekršajnih naloga i zahtjeva za ppp	2.349	637	+1712 ili 268,7%
UKUPNO lica	2.363	641	+1722 ili 268,6%
Prekršaji prema Zakonu o prekršajima protiv JRiM:	2.322	603	+1719 ili 285,1%
-Tuča	31	11	+20 ili 181,8%
-Naročito drsko ponašanje	25	61	-36 ili 59%
-Odbijanje naređenja i omalovažavanje pol. služb.	188	230	-42 ili 18,3%
-Prosjačenje	73	99	-26 ili 26,3%
-Paljenje petardi	---	---	---
-Uživanje opojne droge na javnom mjestu	3	2	+1 ili 50%
-Svađa, vika, nepristojno ponašanje	11	4	+7 ili 175%
-Ostali prekršaji	1.991	196	+1795 ili 915,8%
Ukupno naloga/ zahtjeva prema Odluci o.v. o JRM	27	34	-7 ili 20,6%

Iz tabelarnog pregleda vidljivo je, da je tokom mjeseca marta 2021. godine, u odnosu na mart prethodne godine prema strukturi prekršaja povećan broj sljedećih prekršaja:

- ostali prekršaji za 1.795 ili 915,8%,
- tuča za 20 ili 181,8%,
- svađa, vika, nepristojno ponašanje za sedam ili 175%,
- uživanje opojne droge na javnom mjestu za jedan prekršaj;

dok je smanjen broj prekršaja:

- odbijanje naređenja i omalovažavanje policijskih službenika za 42 ili 18,3%,
- naročito drskog ponašanja za 36 ili 59%,
- prosjačenje za 26 ili 26,3%,
- prekršaji koji su regulisani Odlukom općinskih vijeća za sedam ili 20,6%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (2.332 ili 99,3% od ukupnog broja), a znatno manje u ugostiteljskim objektima – pet, a na ostalim mjestima 12 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU
IZVRŠENJA ZA MJESEC MART 2021/2020. GODINE

MJESTO IZVRŠENJA	MART 2021.	MART 2020.	+ - %
<i>Ulica i drugi otvoreni prostor</i>	2.332	600	+1732 ili 288,7%
<i>Ugostiteljski objekti</i>	5	15	-10 ili 66,7%
<i>Vozila javnog saobraćaja</i>	---	---	---
<i>Sportski stadioni i dvorane</i>	---	---	---
<i>Škole (školska dvorišta)</i>	---	1	-1
<i>Trgovinske i zanatske radnje</i>	---	2	-2
<i>Ostala mjesta</i>	12	19	-7 ili 36,8%
UKUPNO	2.349	637	+1.712 ili 268,7%

U odnosu na isti mjesec 2020. godine, znatno je povećan broj prekršaja na ulici i drugim otvorenim prostorima za 1.732 ili 288,7%, dok je broj prekršaja u ugostiteljskim objektima smanjen za 10 ili 66,7%, na ostalim mjestima za sedam ili 36,8%, u trgovinama i zanatskim radnjama za dva, u školama, školskim dvorištima za jedan.

Na području Kantona Sarajevo u mjesecu martu 2021. godine održano je 99 javnih skupova (34 ili 52,3% više u odnosu na mjesec mart 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 20 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu martu 2021. godine u odnosu na isti mjesec prethodne godine smanjen je ukupan broj saobraćajnih nezgoda i broj nezgoda sa materijalnom štetom, dok je povećan broj nezgoda sa nastradalim licima i posljedice tih nezgoda (broj poginulih i povrijeđenih lica).

Registровано je 466 saobraćajnih nezgoda (93 ili 16,6 % manje u odnosu na mart prethodne godine), od čega je 407 sa materijalnom štetom (105 ili 20,5 % manje) i 59 sa nastradalim licima (12 ili 25,5 % više).

Tokom mjeseca marta 2021. godine u saobraćajnim nezgodama na području Kantona Sarajevo tri lica su poginula (u istom mjesecu prošle godine nije bilo poginulih lica), dok je 69 lica povrijeđeno (šest ili 9,5 % više), od čega šest teže i 63 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC MART 2021./20. GODINE

	mart 2021.	mart 2020.	+,-,%
UKUPNO SAOBRAĆAJNIH NEZGODA	466	559	- 93 ili 16,6 %
Saobraćajne nezgode sa nastradalim licima	59	47	+ 12 ili 25,5 %
Saobraćajne nezgode sa materijalnom štetom	407	512	- 105 ili 20,5 %
POGINULO LICA	3	0	+ 3
- vozači	3	0	----
-putnici	0	0	----
- pješaci	0	0	----
POVRIJEĐENO LICA	69	63	+ 6 ili 9,5 %
- vozači	41	37	+ 4 ili 10,8 %
- putnici	19	22	- 3 ili 13,6 %
- pješaci	9	4	+ 5 ili 12,5 %

U naselju je registrovano 413 saobraćajnih nezgoda (tri sa poginulim, 51. sa povrijeđenim licima i 359 sa materijalnom štetom), van naselja 53 nezgode (pet sa povrijeđenim licima i 48 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU MARTU 2021. (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	3	6	45	359	413	3	6	58
van naselja			5	48	53			5
UKUPNO	3	6	50	407	466	3	6	63

Prema kategoriji puta, najveći broj saobraćajnih nezgoda registrovan je:

- na ulicama u naselju - 287 nezgoda u kojima su 34 lica nastradala (jedno lice poginulo, 33 lica povrijeđena, šest teže i 27 lakše),
- na magistralnim putevima - 70 nezgoda u kojima je 14 lica nastradalo (jedno lice poginulo, 13 lica lakše povrijeđeno),
- na regionalnim putevima - 37 (šest lica lakše povrijeđeno),
- na lokalnim putevima - 32 (tri lica lakše povrijeđena),
- na putevima koji se ubrajaju u kategoriju ostalih - 40 saobraćajnih nezgoda sa 15 nastradalih lica (jedno lice poginulo, 14 lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca marta 2021. godine, u saobraćajnim nezgodama na području Kantona Sarajevo nastradala su ukupno 72 lica (devet ili 14,3 % više). Tri lica su poginula¹ (u istom mjesecu prošle godine nije bilo poginulih lica), dok je 69 lica povrijeđeno (šest ili 9,5 % više) od čega šest teže (pet ili 45,4 % manje) i 63 lakše (11 ili 21,1 % više).

. STEPEN POVREDA UČESNIKA U SAOBRAĆAJNIM NEZGODAMA

- Vozači :
41. vozač lakše povrijeđen
- Putnici:
19 putnika povrijeđeno (dva teže i 17 lakše)
- Pješaci:
Devet pješaka povrijeđeno (četiri teže i pet lakše)

Starosna struktura nastradalih lica u saobraćajnim nezgodama je slijedeća:

- Ispod šest godina - jedno lice,
- Od 6 do 17 godina - dva,
- od 18 do 30 godina - 23,
- od 31 do 40 godina - 18,
- od 41 do 50 godina - 10,
- od 51 do 65 godine - devet,

- 66 i više godina - osam,
- Nepoznata starosna dob - jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - pet lica,
- od 23 do 30 godina – 12,
- od 30 do 40 godina - 14,
- od 40 do 50 godina - sedam,
- od 50 do 60 godina - šest lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 390 (tri lica poginula, 47 lica povrijeđeno, pet teže i 42 lakše),
- neprilagođena brzina - 73 (14 lica povrijeđeno, jedno teže i 13 lakše),
- uticaj alkohola - tri (osam lica lakše povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca marta 2021. godine, policijski službenici Uprave policije MUP-a Kantona Sarajevo kontrolisali su:

- 14.233 vozila i vozača (360 manje),
- 4.032 lica u vozilima (1.385 više),
- pregledali 185 vozila (dva manje) i 150 lica u tim vozilima (dva manje).

Zbog tehničke neispravnosti iz saobraćaja je isključeno 10 vozila (16 manje), 92 vozača su zatečena da upravljaju vozilom pod dejstvom alkohola (103 manje), 272 bez korištenja sigurnosnog pojasa (41 manje), 166 bez položenog vozačkog ispita (devet više), 51 pod izrečenom zaštitnom mjerom (10 manje), 305 vozača je zatečeno da koriste mobilni telefon tokom vožnje (sedam više) i 327 vozila je učestvovalo u saobraćaju bez važeće registracije (650 manje).

Zbog kršenja propisa iz oblasti sigurnosti saobraćaja uručeno je 13.468 prekršajnih naloga vozačima (3.027 ili 18,3 % manje u odnosu na mart prošle godine) i podnesena 244 zahtjeva za pokretanje prekršajnog postupka (98 ili 28,6 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca marta 2021. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 5.852 prekršajna naloga (498 više), upozorena su 1.763 vozača (1.485 više), a specijalnim vozilom "pauk" premještena su 54 vozila (162 manje).

Takođe, pješacima koji su kršili propise uručeno je 75 prekršajnih naloga (85 manje), a upozoren je 301 pješak (264 više).

ZAKONITOST U RADU

Tokom mjeseca marta 2021. godine, registrovana su tri pojedinačna napada (jedan više) na policijske službenike MUP-a Kantona Sarajevo. U napadima su učestvovala dva punoljetna i jedno maloljetno lice. Tom prilikom su tri policijska službenika lakše povrijeđena.

Tokom mjeseca marta tekuće godine registrovana su dva slučaja (tri manje) upotrebe sile:

- Dana 09.03.2021. godine, na području općine Novo Sarajevo, dva policijska službenika Treće PU su opravdano upotrijebili fizičku snagu i sredstva za vezivanje.
- Dana 29.03.2021. godine, na području općine Vogošća, dva policijska službenika Jedinice za saobraćaj su upotrijebili fizičku snagu i sredstva za vezivanje. Opravdanost navedene upotrebe sile je u toku.

Tokom mjeseca marta 2021. godine, razmatrane su 44 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 18 predavki (pet više) provede unutrašnja istraga, za 17 predavki je odlučeno da se izvrše provjere i prikupi dokumentacija, a za devet da su neosnovane.

Od ukupno 44 razmatrane predstavke, 31. je podnesena od strane građana, dok 13 predavki predstavljaju saznanja iz službe.

Okončano je 14 unutrašnjih istraga, među kojima je sedam neosnovanih, četiri su bile bez dovoljno dokaza, dok su tri predavke osnovane.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja sa ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- Nastavljena realizacija projekata: „Program socijalizacije s pravom“, „Jačanje tužilačkih kapaciteta u sistemu krivičnog pravosudja u BiH“ i „Cyberbulling“ u online modelu kroz održane radionice u osnovnim i srednjim školama na području Kantona Sarajevo.

Postupano je po naredbi Vlade Kantona Sarajevo koja se odnosi na kontinuirano provođenje mjera u vezi ograničenja rada ugostiteljskih objekata radi pandemije „Koronavirusa“ (COVID 19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Takođe, vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 2.673 migranta.

U mjesecu martu 2021. godine migranti su učestovali u pet događaja sa obilježjem krivičnog djela i to:

- Teška tjelesna ozljeda (član 172. KZ FBiH-a) – jedan,
- Krađa (član 286. KZ FBiH-a) – jedan,
- Teška krađa na naročito opasan ili naročito drzak način (član 287. stav (1) tačka b) KZ FBiH-a) – jedan,
- Razbojništvo u pokušaju (član 289. u vezi čl. 28. KZ FBiH-a) – dva događaja.

Tokom mjeseca marta 2021. godine, službenici policije proveli su pet akcija, kontrolisali 165 migranata, od čega 29 nije posjedovalo registracijski obrazac, osam je predato službi za poslove sa strancima radi registracije i 53 migranta su smještene u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC MART 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.673
UKUPAN BROJ KONTROLISANIH MIGRANATA	165
BROJ MIGRANATA LIŠENIH SLOBODE	4
BROJ KRIVIČNIH DJELA POČINJENIH OD STRANE MIGRANATA	5
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	15
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	5
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	69

Sarajevo, 13.04.2021. godine

Odjeljenje za odnose s javnošću

